

Labinotë Demi- Murtezi jo vetëm që do të jetë deputetja e parë femër me shami në Kuvendin e Kosovës, por ajo doli të jetë femra më e votuar në listën e PDK-së.

Ajo ka marrë mbi 11 mijë vota, duk e lënë shumë prapa nënkryetaren e PDK-së, Vlora Çitakun, e cila ka marrë vetëm 4 mijë e 500 vota, ndonëse ishte e renditur e gjashta në listë.

Ajo pas vetes ka lënë edhe “super” aderimin e PDK-së, Margarita Kadriun, e cila ka qenë kryeredaktore e Gazetës “Kosova Sot”, dhe që ka arritur të marrë vetëm 5 mijë e 167 vota.

As treshi i PDK-së, Flora Brovina nuk ka mundur që t’i afrohet me votë kandidates së PD-së, Labinotë Demi-Murtezi. Flora Brovina nuk ka arritur që të marrë më shumë se 5 mijë e 750 vota.

Nuk janë vetëm femrat e PDK-së ato që kanë pësuar një humbje të thellë nga Labinotë Demaj-Murtezi.

Edhe burrat më të fortë të PDK-së ajo i ka mundur thellë.

Ajo e ka mundur ish-komandantin e Shtabit të Përgjithshëm të UÇK-së, Azem Sylën, i cili nuk ka arritur që të marrë më shumë se 8 mijë e 500 vota. Prapë saj, ka mbetur edhe ndër njerëzit me më ndikim në PDK, Xhavit Haliti, Rustem Mustafa e shumë deputetë tjerë. /gazetabolic/